



Inatsisartunut ilaasortaq Aqqaluaq B Egede, Inuit Ataqatigiit  
Inatsisartut Allattoqarfiat  
/Maani

Indgået

25 JUNI 2016

NAMMINERSORLUTIK OQARTUSSAT  
GRØNLANDS SELVSTYRE  
INATSISARTUT ALLATTOQARFIAT  
BUREAU FOR INATSISARTUT  
BOX 1060 - 3900 NUUK

§ 37 naapertorlugu apeqquut nr 135-imut akissuteqaat

16-06-2016

Suliap nr. 2016 - 9784

Allakkat nr.

2991514

Asasara Aqqaluaq B. Egede,

Inatsisartut suleriaasianni § 37 naapertorlugu Namminersorlutik Oqartussat ingerlatseqatigiiffiutaannut sammisunik attuumassuteqartunik Naalakkersuisunut apeqquteqarsimavutit. Apeqqutit uannut akineqartussanngortinneqarsimapput.

Postboks 1015

3900 Nuuk

Oqarasuaat (+299) 34 50 00

Fax (+299) 32 50 02

E-mail: govsec@nanoq.gl

www.naalakkersuisut.gl

Apeqqutigineqartunut akissutikka ataani tulleriiarlutik allassimapput.

1. Illuut A/S aningaasaqarnikkut inissisimanagera aammalu pigisat nalillit eqqarsaatigalugit takussutissat tunniunneqarsinnaappat?

**Akissut:**

Illuut A/S naatsorsuutit pillugit inatsit naapertorlugu ukiumoortumik naatsorsuusiortarpoq, tamakkulu kikkunnit tamanit pissarsiarineqarsinnaapput. Taakkunuuna Illuut A/S-ip aningaasaqarniarnera piviusumillu uninngasuutai pillugit paasissutissiisoqarsinnaavoq. Taamatuttaaq Inatsisartunut Namminersorlutik Oqartussat aktiaateqarluni ingerlatseqatigiiffiutai pillugit ukiumoortumik nalunaarusiortoqartarpoq, taakkunungalu Illuut A/S ilaavoq.

2. Aningaasaqarneq Illuut A/S-ip ingerlanneranut inuiaqatigiinnut akilersinnaanerpaaq?

**Akissut:**

Illuut A/S pilersinneqarpoq Namminersorlutik Oqartussanut aningaasalersuisarnermi teknikkikkut atortussatut. Taamaasilluni Namminersorlutik Oqartussat Illuut A/S-imut illuliornermik pilersaarutinit erniaqanngitsunik taarsersugassaannngitsunillu taarsigassarsisitsinnaasimapput, sanaartornermi aningaasartuutit 70 %-iisa missaannik amerlassuseqartunik. Sanaartornermi aningaasartuutit sinneri aningaaserivinnit aamma real kredit atorlugu aningaasalersuisartunit taarsigassarsianit aningaasalersorneqarsinnaasimapput. Taamaalilluni Namminersorlutik Oqartussat Illuut A/S aqqutigalugu Namminersorlutik Oqartussanit nammineeirluni aningaasartuutinit tamarmiusunit aningaasalersorsimassagaluarunigilluunniit inissianik amerlanerusunik sanasoqarsinnaasimavoq, Tassalu inissanik pisariaqartitsisoqarmat, aammalu Illuut A/S-ip inissiaatai tamarmik attartortinneqarnikuummata, tamanna inuiaqatigiit aningaasaqarneranni iluanaarutit isigineqarsinnaavoq.

**3. Visit Greenland A/S aamma Greenland Holding A/S inuussutissarsiornikkut takornariaqarnikkut siuarsaaniarnerminni agguaqatigiissillugu ukiumut suliffissat qanoq amerlatigisut pilersittarpaat?**

**Akissut:**

Visit Greenland A/S-ip siunertaraa Kalaallit Nunaata takornariaqarnikkut misigisassar-siortitsillunilu inuussutissarsiornerneranik ineriartortitsinissamut suliaqassalluni. Ilanngul-lugu ingerlatseqatigiiffiup suliassaraa Kalaallit Nunaata nunani tamalaani inuiannut ta-kornariarfissatut ilisimasimaneqarneranik siaruarternissaq. Suliassat tamakku Nammi-nersorlutik Oqartussanit kiffartuussinissamik isumaqatigiissuteqarnikkut naammassine-qartarput. Ukiuni arlalinni ikiliartortunik tikeraartoqartareerluni 2015-imi Kalaallit Nu-naata takornariat amerliartornerat misigaa - taamaasillunilu katillugit 67.876-inik tike-raartoqarluni taakkuninnga 22.390-it umiarsuarnit takornariartaatsinit tikeraat. Visit Greenland-ip suliassarinnigilaa ingerlatseqatigiiffinnik pilersitsinissaq, takornarialli amerlinerisigut aallarnissaaniarnermut pilersitsinissamut suliffissanillu nutaanik periar-fissanik nutaanik pilersitsisoqarsinnaavoq.

Greenland Business A/S, taanna Greenland Holding-ip ataani ingerlatseqatigiiffiusoq, Namminersorlutik Oqartussanut kiffartuussinissamik isumaqatigiissutikkut inuussutis-sarsiutunik siursaanissamik aqqissuussinernik allaffissornikkut ingerlatsivoq Aningaa-sanut Inatsimmi konto 64.10.17 inatsisitigut toqqammavigalugu. Greenland Business-imit nalunaarutigineqarpoq, 2015-imi katillugit ingerlatseqatigiiffinnut 71-inut tapiissu-teqarsimallutik. Taakkunannga 39-it kortinik qiortartakkanik pissarsipput, 15-it tunisa-sianik ineriartortitsinissamut tapiiffigineqarlutik aammalu ingerlatseqatigiiffiit 17-it inuussutissanut pilersaarutinit avammut niuernermet tapiiffigineqarlutik aamma ine-riartortitsinissamut tapiissutisillutik. Suliniutinit taakkuninnga suliffiit qassit pilersinne-qartut pillugit eqoqqjissaartumik nalunaarsuisoqarsimanngilaq.

**4. Inuussutissarsiornikkut siursaanissaq pitsaanerpaamik siursaaaviginiarlugu aamma suliffissat pilersinniarlugit ingerlatseqatigiiffiit inuiaqatigiinniit annerusumik minnerusumillunniit piginneqataaffigineqartut suliffissanik nutaa-nik pilersitsinerpaartaat sorliua?**

**Akissut:**

Namminersorlutik Oqartussanit ingerlatseqatigiiffiutigisat marluk anginerpaat ukioq kaajallallugu amerlanerpaanik suliffissatigut periarfissanik pilersitsisartut tassaapput, Royal Greenland ingerlatseqatigiiffiup nittartagaa malillugu Kalaallit Nunaanni 1200-it missaanik sulisoqartoq, aamma KNI ingerlatseqatigiiffiup nittartagaa malillugu Kalaallit Nunaanni 1000-ingajannik sulisoqartoq.

**5. Sungiusaataasumik ilinniartoqarneq suliffeqarfinni inuiaqatigiinni piginneqartuni sorleq ilinniartuunerpaava?**

**Akissut:**

Ilinniartitaanermut, Kultureqarnermut, Ilisimatusarnermut Ilageeqarnermullu Naalak-kersuisoqarfiup nalunaarutigaa 2014-imi KNI ilinniartunik praktikkertunillu 59-inik suli-soqartoq taamaalilluni KNI pisortat pigisaannik ingerlatseqatigiiffiuvoq amerlanerpaanik ilinniartoqarlunilu praktikkertoqartoq.

**6. Mittarfeqarfiit sulisorisaminni nutaanillu atorfinitsitsisarnermini ukiut kingulliit tallimat qanoq amerlatigisunik nunatta avataaniit atorfinitsitsisimappat?**

**Akissut:**

Apeqquut 6-imut akissut takuneqarsinnaavoq apeqquut 7-imut oqaaseqaatini.

**7. Mittarfeqarfiit nunatta avataaniit sulilersitai qassiuppat imaluunniit nuna-tsinniingikkaluarlutik nunatta avataani atorfeqartitai inuit suliffillu qassiuppat?**

**Akissut:**

Mittarfeqarfimmi tamarmi katillugit 400-it missaat sulisorineqarput, taakkunannga Nuummi qitiusumik allattoqarfimmi 25-it allaffissornikkut ikiorsiinermik ingerlatsivin-niillutik.

Ajornakusoorpoq ukiuni kingullerni tallimani nutaamik atorfinissimasut qassiunerinut paasissutissanik pissarsiniarneq, tassami Mittarfeqarfiit siusinnerusukkut inuttaqarnerup tungaatigut ukiumoortumik naatsorsueqqissaarnernik suliaqartarnikuunngimmat. Marts 2015-imi Mittarfeqarfinnit inuttaqarnerup tungaatigut nutaanik atorfinitsitsisarnerit pillugit paasissutissanik katersuisoqartalersimavoq. Tamanna tunngavigalugu paasissutissanit tulliuuttunit 2015-imi marsimit decembarimut kiisalu 2016-imi qaammammusialinnut paasissutissat tunngasuupput. Akunnermusiaqartitsinermi annertungaatsiartumik sulisunik taarseraattoqartarsimavoq. Akunnermusiallit qassiuneri ilanngunneqanngillat. Tamatumani pineqarnerpaapput najukkani sulisinnaasut.

Maannakkorpiaq sulisut pingasuupput Danmarkimi najugallit, taakkulu Mittarfeqarfinni sulinikkut suliassanik suliaqarput. Tassani pineqarput pisiniartarnermut pisortaq, pisiniartarnermut siunnersorti ataaseq kiisalu tuniniaanermik immikkoortortaqarfimmi sulisoq taanna ukiorpassuarni Mittarfeqarfimmi atorfinni assigiinngitsuni aalajangersimasumik atorfeqareerluni utoqqarnut aaqqissuussinermiippoq.

2015 decembarimi nutaamik atorfinittut qassiuneri:

Ataatsimut katillugit atorfiit 106 inuttassarsiuunneqarnikuupput taakkunannga 93-inik atorfinitsitsisoqarsimavoq. Taakkunannga 93-init ikittuinnaat avataaneersuupput. Piffissami taamaallaat AFIS operatørit pingasut kiisalu pisiniartarnermi siunnersorti ataaseq avataaneersoq atorfinitsinneqarnikuupput. Naatsorsuinerмили tassani Kangerlusuarmi akunnittarfik ilaanngilaq, tassani paasissutissatigut atortut amigaateqartuusut.

Januarimiit juni 2016-imut nutaamik atorfinittut qassiuneri:

Atorfiit 52-it inuttassarsiuunneqarnikuupput. Arlallit suli naammassineqarnikuunngillat 23-inik nutaanik atorfinitsitsisoqarnikuuvoq taakkunanngalu pingasut avataaneersuullutik.

**8. Ukiuni tulliuuttuni mittarfeqarfiit sorliit naalakkersuisuniit matuneqarnissaat siunniunneqarsimappat?**

**Akissut:**

Naalackersuisut aalajangersimasunik ukiuni aggersuni mittarfinnik matooraanissamik pilersaaruteqanngillat. Decembarip aappaani 2015 Siumut, Demokratit aamma Atassutikkut akornanni naalackersuisooqatigiinnissamik isumaqatigiissut attuuttoq naapertorlugu Kalaallit Nunaanni angallasseriaatsimik misissuisoqarnissaa aallartinneqarsimavoq, naatsorsuutigineqassaarlu angallasseriaatsikkut iluarsiinernik ingerlatsisoqarumaartoq. Assersuutigalugu Tunumi eqqarsaatigineqassaaq, Nerlerit Inaannut kiffartuussinissamik isumaqatigiissuteqarluni isumaqatigiissuteqaraniluunniit timmisartuussisarnermut tunngavissaqarnerisq, Ittoqqortoormiini mittarfimmik pilersitsisoqassagalarpat.

**9. Mittarfinnik matusinissamik aalajangiinermut tunngaviusut ilanngullugit tunniunneqarsinnaappat?**

**Akissut:**

Qulaani apeqqut 8-imut oqaaseqaatinut tapiliussatut Naalackersuisuniit innersuussutigineqarsinnaapput atortussat 2015-imi ukiakkut ataatsimiinnermi mittarfiit pillugit Inatsisartuni sulianik suliarinninnermut ilaatinneqartunut, soorlu aamma decembarip aappaani 2015-imi naalackersuinikkut naalackersuisooqatigiinnissamik isumaqatigiissummi oqaatigineqarsimasutut. Taamatuttaaq timmisartuussinermut nunap immikkoortuinut pilersaarutissami siunissami angallasseriaasissamut naatsorsuutigisat ilusilersorneqarumaartut.

**10. Inuussutissarsiornermik siuarsaanermi ingerlatseqatigiiffiit inuiaqatigiinni pigineqartut suleqataaffigisaannik inuussutissarsiorfiit nutaat qassit pilersinneqarsimappat?**

**Akissut**

Periarfissaqanngilaq paatsuugassaannngitsumik akissuteqaasiussalluni, tamatumani piumasarineqassammata ukiuni arlaqartuni inuussutissarsiuutigut maannakkut siusinnerusukkullu ineriartortitsinissamik ingerlatseqatigiiffinni suliniutinit annertunerusunik misissuinerit aamma nalilersuinerit, kiisalu qanoq iliorluni ukiut ingerlanerini suliniutaasimasut attuumassuteqartumik suleqatigiinniarluni suleqatigiinni luatsittumik piviusunngorsimarnersut ingerlatseqatigiiffimmik namminersortumik pilersitsiniarnermi.

Inussiarnersumik inuulluaqqusillunga  
Med venlig hilsen



Kim Kielsen